

LA USC DI LADINS - VENERDI' 5 FEBBRAIO 2021

ISTITUZIONI

L calandèr de l'Euregio desche segnèl de unità

L conseier ladin Luca Guglielmi ge à consegnà l don ai ombolc de Soraga e Cianacei



La consegna di calandères a l'ombolt de Cianacei Giovanni Bernard.



L conseier Guglielmi e Corona con l'ombolt de Soraga Valerio Pederiva.

En sabeda ai 30 de jené l conseier ladin Luca Guglielmi, ensema a Giuseppe Corona, raprejentant de l'ofize de presidenza del Consei Provinzièl daite del grop de lurier Euregio, de chel che fèsc pèrt i membres del Consei Provinzièl e i raprejentanc de la Provincia medema, l'à scontrà i ombolc di Comuns de

Soraga e Cianacei per ge consegnèr l calandèr 2021 de l'Euregio.

N segnèl de unità l'é anchecondi amò più emportant te chest moment storich senester, che domana colabozazion e cooperazion anter i raions alpins.

I aministradores à palesà sode-sfazion per chesta scomenzadiva,

outa a fèr cognoscer semper de più, ence te la aministrations picles, la potenzialitèdes de l'Euregio e i strumenc a la leta, ence en vista del mudament de la Presidenza a ce de l'istituzion medema, che ge vegnarà data sù al President de la Provincia Maurizio Fugatti.